



2017 йил "17" август № 424

Farg'ona shahri

**Ўзбекистон Республикаси Президентининг
2017 йил 8 августдаги ПҚ-3180-сонли қарори тўғрисида**

Халқ таълими тизимини тубдан такомиллаштириш, унинг барча бўғинлари фаолияти самарадорлигини ҳамда масъулиятини ошириш, халқ таълими муассасаларидаги ўқув-тарбия жараёнига илғор педагогик ва ахборот-коммуникация технологияларини самарали жорий этиш орқали таълим сифатини таъминлаш, мактаб ўқувчиларини ватанпарварлик, миллий анъаналар ва кадриятларни ҳурмат қилиш руҳида тарбиялаш, маънавий ва жисмоний соғлом авлодни камол топтириш ҳамда Ўзбекистон Республикаси Президентининг 2017 йил 8 августдаги "Ўзбекистон Республикаси Халқ таълими вазирлиги фаолиятини такомиллаштириш тўғрисида" ги ПҚ-3180-сонли қарори ижросини таъминлаш мақсадида:

ҚАРОР ҚИЛАМАН:

1. Ўзбекистон Республикаси Президентининг 2017 йил 8 августдаги "Ўзбекистон Республикаси Халқ таълими вазирлиги фаолиятини такомиллаштириш тўғрисида" ги ПҚ-3180-сонли қарори раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан:

Ўзбекистон Республикаси Халқ таълими вазирлигининг асосий вазибалари ва фаолияти йўналишлари этиб қуйидагилар:

биринчи, мактабгача, умумий ўрта ва мактабдан ташқари таълимни ҳар томонлама ривожлантириш, ўқувчиларнинг маънавий-ахлоқий ва интеллектуал ривожланиш даражасини янада юксалтиришга йўналтирилган таълим соҳасида ягона давлат сиёсатини амалга ошириш;

иккинчи, умумий ўрта таълим мактаблари 10-11-синф ўқувчиларига касб-хунар ўргатишни таъминлаш борасидаги фаолиятни мувофиқлаштириш ҳамда умумий ўрта таълимнинг давлат таълим стандартларига, мактабгача ва мактабдан ташқари таълимга қўйиладиган талабларга мувофиқ халқ таълими муассасаларига, шунингдек, иқтидорли болалар учун ихтисослаштирилган таълим муассасаларига методик раҳбарликни амалга ошириш;

учинчи, ўқув-тарбия жараёнига ўқитишнинг замонавий илғор шаклларини, янги педагогик ва ахборот технологияларини, ўқувчиларнинг ўқув, психологик ва жисмоний юкласини оптималлаштиришни ҳисобга олган ҳолда таълим-тарбиянинг самарали шакллари ва усулларини жорий этиш;

тўртинчи, умумий ўрта таълим муассасаларида чет тилларни ўқитиш самарадорлигини таъминлаш, ўқувчиларни касб-хунарга йўналтириш ва меҳнат таълимини яхшилаш бўйича комплекс чора-тадбирларни амалга ошириш;

бешинчи, таълим мактаблари ҳамда ўрта махсус, касб-хунар таълими муассасалари ўртасида ўзаро интеграцияни таъминлаш орқали 11 йиллик ўрта таълимни жорий этиш бўйича ташкилий-методик тадбирлар тизимини амалга ошириш;

олтинчи, ўқув-тарбия жараёнига ўқитишнинг замонавий илғор шаклларини, янги педагогик ва ахборот технологияларини, касбга йўналтириш, таълим ва тарбиянинг самарали шакллари ҳамда усулларини жорий этиш;

еттинчи, халқ таълими муассасаларида Ўзбекистон Ёшлар иттифоқи бўлимлари фаолиятини самарали йўлга қўйиш орқали ўқувчиларни умуминсоний кадриятлар, юксак маънавият, инсонпарварлик руҳида тарбиялаш, уларнинг қалби ва онгига мустақиллик ғояларини янада чуқур сингдириш, “оммавий маданият” кўринишидаги ёт ғояларга қарши иммунитетни мустаҳкамлаш;

саккизинчи, мазмун ва сифат жиҳатидан халқаро талабларга жавоб берадиган, илғор педагогик ва ахборот-коммуникация технологияларини қўллаган ҳолда янгиланган ўқув режалари ва дастурларига мувофиқ ишлаб чиқилган ўқув ва ўқув-методик адабиётларнинг янги авлоди яратилиши ва нашр этилишини ташкил қилиш;

тўққизинчи, мактабгача, умумий ўрта ва мактабдан ташқари таълим муассасалари томонидан давлат таълим стандартлари ва талаблари бажарилишининг тизимли мониторингини олиб бориш;

ўнинчи, мактабгача, умумий ўрта ва мактабдан ташқари таълим муассасаларининг моддий-техника базасини белгиланган норма ва стандартларга мувофиқ янада ривожлантириш ва мустаҳкамлаш, улар фаолиятининг самарадорлиги оширилишини таъминлаш бўйича тизимли асосда комплекс чора-тадбирларни амалга ошириш;

ўн биринчи, янги педагогик ва ахборот технологияларини, халқаро илғор тажрибани қўллаган ҳолда педагог кадрларни тайёрлаш, қайта тайёрлаш ва малакасини ошириш тизимининг самарали фаолиятини ташкил этиш, таълим муассасаларини замонавий билимларга эга бўлган юқори малакали кадрлар билан таъминлаш;

ўн иккинчи, халқаро алоқаларни кенгайтириш ва мустаҳкамлаш, мамлакатимизнинг халқ таълими соҳасида эришган ютуқларини конференциялар, кўргазмалар ва бошқа тадбирларни ўтказиш йўли билан халқаро даражада кенг ёритиш, халқ таълими тизимиغا хорижий инвестициялар ва грантларни жалб этиш белгиланганлиги инобатга олинсин;

Қуйидагилар:

Ўзбекистон Республикаси Халқ таълими вазирлигининг ташкилий тузилмаси 1-иловага;

Ўзбекистон Республикаси Халқ таълими вазирлиги марказий аппаратининг бошқарув ходимлари чекланган сони 64 нафардан иборат бўлган тузилмаси 2-иловага;

Қорақалпоғистон Республикаси Халқ таълими вазирлигининг тузилмаси 3-иловага;

вилоятлар Халқ таълими бошқармаларининг намунавий тузилмаси 4-иловага;

Ўзбекистон Республикаси Халқ таълими вазирлиги Республика таълим марказининг тузилмаси 6-иловага;

Ўзбекистон Республикаси Халқ таълими вазирлигининг Ўқувчиларни касб-хунарга йўналтириш ва психологик-педагогик республика таълим марказининг тузилмаси 7-иловага мувофиқ тасдиқланганлиги;

Халқ таълими муассасалари фаолиятини методик таъминлаш ва ташкил этиш туман (шаҳар) бўлимлари туман (шаҳар) халқ таълими бўлимлари этиб қайта ташкил қилинганлиги;

Туман (шаҳар) халқ таълими бўлимларининг намунавий тузилмаси 8-иловага мувофиқ тасдиқланганлиги;

Ўзбекистон Республикаси халқ таълими вазирига Ўзбекистон Республикаси Халқ таълими вазирлиги марказий аппарати ва ҳудудий халқ таълими органлари тузилмасига ходимларнинг тасдиқланган умумий сони доирасида ўзгартиришлар киритиш ҳуқуқи берилганлиги;

шунингдек, Ўзбекистон Республикаси Халқ таълими вазирлиги бир ой муддатда:

Тошкент шаҳар Халқ таълими бош бошқармаси ва вилоятлар халқ таълими бошқармалари тўғрисидаги низомларни;

туман (шаҳар) халқ таълими бўлимлари тўғрисидаги низомларни тасдиқлаши белгиланганлиги маълумот учун қабул қилинсин.

3. Вилоят ҳокимининг ўринбосари И.Носиров Халқ таълими бошқармаси (Ғ.Мамажонов) билан биргаликда Ўзбекистон Республикаси Президентининг мазкур қарори 1-бандида белгилаб қўйилган Ўзбекистон Республикаси Халқ таълими вазирлигининг асосий вазифалари ва фаолияти йўналишларини вилоятда сўзсиз бажарилишини таъминлаш чораларини кўрсин.

4. Вилоят ҳокимининг ўринбосари И.Носиров Халқ таълими бошқармаси (Ғ.Мамажонов), вилоят телерадиокомпанияси (Ж.Мамарасулов), “Фарғона ҳақиқати” гезетаси (А.Тешабоев), “Ферганская правда” гезетаси (Г.Саидганиева) ва бошқа оммавий ахборот воситалари билан биргаликда қарор мазмун моҳиятини кенг ёритиш, жамоатчиликка ва таълим муассасалари ходимларига етказишни таъминласинлар.

5. Ўзбекистон Республикаси Вазирлар Маҳкамасининг 2004 йил 5 августдаги “Ўзбекистон Республикаси Халқ таълими вазирлиги фаолиятини такомиллаштириш тўғрисида” ги 372-сонли қарорига асосан вилоят ҳокимининг тегишли қарори қабул қилинмаганлиги инобатга олинсин.

Ўзбекистон Республикаси Вазирлар Маҳкамасининг 2011 йил 1 мартдаги “Халқ таълими ҳудудий органлари тузилмасини такомиллаштириш тўғрисида” ги 52-сонли қарорига асосан қабул қилинган вилоят ҳокимининг 2011 йил 9 мартдаги 52-сонли қарорининг 1-иловаси ҳамда Ўзбекистон Республикаси Вазирлар Маҳкамасининг 2016 йил 27 июндаги “Ўзбекистон Республикаси Халқ таълими вазирлиги фаолиятини ташкил этишни янада такомиллаштириш тўғрисида” ги 214-сонли қарорига асосан қабул қилинган вилоят ҳокимининг 2016 йил 4 июлдаги 220-сонли қарори ўз кучини йўқотган деб ҳисоблансин.

6. Мазкур қарорнинг бажарилишини назорат қилишни ўз зиммамда қолдираман.

Вилоят ҳокими



Ш.М.Ғаниев.

